

ՀԱՇՎԵՏՎՈՒԹՅՈՒՆ

Հայաստանի Հանրապետության Արմավիրի մարզի Նորապատ գյուղական համայնքի ղեկավարի 2011 թվականի առաջին կիսամյակի ընթացքում կատարած աշխատանքների մասին:

Հաշվետու ժողովը տեղի է ունեցել 2011 թվականի հուլիսի 12-ին ժամը 15.00-ին համայնքի կուլտուրայի տան դահլիճում:

Ժողովին մասնակցում են ավագանու անդամներ, համայնքապետարանի աշխատակազմը, դպրոցի ուսուցիչներ, մանկապարտեզի կուլեկտիվի անդամներ, համայնքի բնակիչներ և Արմավիրի մարզպետարանի ներկայացուցիչ պ-ն՝ Գոռ Հովհաննիսյանը:

Զեկուցումով հանդես եկավ համայնքի ղեկավար՝ Ս.Բադալյանը, որն իր աշխատանքները կազմակերպում է իրեն սահմանված լիազորությունների շրջանակներում:

Հաշվետու ժամանակահատվածում հրավիրվել են վեց ավագանու նիստեր, որոնցում քննարկվել են համայնքին վերաբերվող մի շարք հարցեր և դրանց վերաբերյալ ընդունվել համապատասխան որոշումներ: Ընդունված որոշումների կատարման մասին իրազեկվել է համայնքի ազգաբնակչությանը:

Առաջին կիսամյակի ընթացքում համայնքի ղեկավարին տարբեր հարցերով դիմել են շուրջ 50 քաղաքացիներ, որոնց պահանջներին տրվել են համապատասխան լուծումներ: 312 քաղաքացիների տրվել է տարբեր բնույթի տեղեկանքներ, 3-ին՝ շինարարության թույլտվության իրավունք:

Մեկով ավելացել է առևտրի օբյեկտների թիվը, որին տրվել է ծխախոտի և ոգելիչ խմիչքների վաճառքի թույլտվություն:

Գյուղատնտեսության բնագավառ

2011 թվականի առաջի կիսամյակին առանձնակի ուշադրություն է դարձվել գյուղատնտեսական աշխատանքների կազմակերպման, բարձր բերքի ապահովման ուղղությամբ:

Համայնքին մեծ վնասներ հասցրած կարկուտի հետևանքները

հատուցելու նպատակով ՀՀ կառավարության կողմից տրամադրվեց 300 լիտր անվճար դիզելային վառելանյութ, որն էլ օգտագործվեց նպատակային:

Ժամանակին է կազմակերպվել ջրատարների վերանորոգումը, խորքային հորերի շահագործումը: Միայն պոմպերի վերանորոգման համար ծախսվել է շուրջ 450.0 հազար դրամ: Աճեցված բերքը դաշտերից անկորուստ դուրս բերելու համար շուրջ 2 կմ-ի վրա կատարվել է ավազապատման աշխատանքներ: 120 հա խաղողի, պտղատու այգիների և բազմամյա խոտաբույսերի ցանքատարածությունների վրա կազմակերպվել է կրծողների դեմ քիմիական պայքար: Թունաքիմիկատների անվճար տրամադրումը կազմակերպել էր ՀՀ կառավարության կողմից, որը կնպաստի գյուղ մթերքների ավելացմանը:

Կենցաղ սպասարկման բնագավառ

Բնակչության կենցաղային հարցերը եղել և մնում են համայնքի ղեկավարի ամենօրյա ուշադրության կենտրոնում:

Համայնքի տարածքում կատարվում է կանոնավոր աղբահանություն, շաբաթը երկու օր բնակավայրից դուրս է բերվում կուտակված աղբը և տեղափոխվում քաղաքային աղբակայան: Աշխատանքներ են տարվում համայնքի նորաստեղծ թաղամասերում էլ. էներգիա անցկացնելու և գազաֆիկացնելու ուղղությամբ: Համայնքում խմելու ջրի մատակարարումը 24 – ժամյա դարձնելու համար իրականացվում են մի շարք միջոցառումներ:

Մշակույթ և սպորտի բնագավառ

Համայնքապետարանը կուլտուրայի տան և դպրոցի կուլեկտիվի հետ կազմակերպում է մի շարք միջոցառումներ՝ տրամադրելով նաև որոշակի դրամական օգնություն:

Շախմատի մարզային առջնությունում Ա.Մուրադյանը գրավելով մրցանակային տեղ՝ մասնակցեց Ջերմուկ քաղաքում անցկացվող Հանրապետական առաջնությանը:

Ավագանու որոշմամբ դպրոցին է նվիրաբերվել 561.0 հազար դրամի գույք:

Համայնքապետարանը իր մշտական աջակցությունն է ցուցաբերում մանկապարտեզում կազմակերպվելիք միջոցառումներին:

Սոցիալական բնագավառ

Համայնքապետարանը իր ամենօրյա ուշադրության կենտրոնում է պահում սոցիալապես անապահով ընտանիքներին օգնություն ցուցաբերելու, նրանց դիմումներին ընթացք տալու գործընթացը:

Սոցիալապես անապահով ընտանիքները ընդգրկված են նպաստառուների ցուցակում:

Ավագանու որոշմամբ երկու բնակիչներ ազատվել են ավտոմեքենայի գույքահարկից:

Համայնքային բյուջեյի իրագործում

Բյուջեյի կատարման գործընթացը մշտապես եղել է համայնքի ղեկավարի առաջնահերթ ուշադրության կենտրոնում:

2011 թվականի առաջին կիսամյակի ընթացքում հավաքագրվել է հողի հարկ՝ 1441,6 հազար դրամ – 56,7 տոկոսով, գույքահարկ՝ 300,0 հազար դրամ:

Համայնքապետարանը աշխատավարձի, սոցվճարումների և այլ ծառայությունների հետ կապված վճարումները կատարում է ժամանակին: Աշխատակիցները սահմանված կարգով օգտվում են իրենց սահմանված արձակուրդներից:

Համայնքի հիմնախնդրիները

1. Ոռոգման ջրի ինքնահոս մատակարարում
2. Մանկապարտեզի շենքի նորոգում
3. Մշակույթի տան շենքի նորոգում

- 4. Մրգաշատ տանող ճանապարհի նորոգում
- 5. Ամբողջ գյուղում գիշերային լուսավորության անցկացում:

Նորապատ համայնքի ազգաբնակչությունը համայնքապետ՝ Ս.Բադալյանի գլխավորությամբ իրենց խորին շնորհակալությունն են հայտնում մարզպետ պարոն՝ Ա.Ղահրամանյանին դպրոցի վերանորոգման գործընթացին աջակցելու համար և լի են վճռականությամբ համայնքի առջև ծառայած խնդիրները կյանքի կոչելու ուղղությամբ:



Նորապատ գյուղական համայնքի ղեկավար՝  Ս.Բադալյան